



## SIARAN MEDIA

Untuk Siaran Segera

**mySalam luaskan perlindungan meliputi 50 penyakit kritikal, menjadi skim takaful pertama di Malaysia yang melindungi Penyakit Jarang Jumpa**  
*Memberi harapan dan ketenangan minda kepada komuniti B40*

**8 April 2025, Kuala Lumpur** – mySalam, skim perlindungan takaful nasional untuk komuniti B40, kini telah memperluaskan perlindungannya meliputi 50 jenis penyakit kritikal, berbanding 45 penyakit kritikal sebelum ini. Penambahbaikan ini turut merangkumi perlindungan untuk Penyakit Jarang Jumpa, menjadikan mySalam sebagai skim takaful pertama di Malaysia yang menyediakan bantuan kewangan kepada individu yang didiagnosis dengan penyakit-penyakit ini.

Selain perlindungan Penyakit Jarang Jumpa, pertambahan manfaat perlindungan kini meliputi penyakit gangguan mental seperti Skizofrenia dan Bipolar, Penyakit Darah termasuk Talasemia Major dan Anemia Aplastik, Penyakit Kulit Kronik seperti Psoriasis dan Pemphigus Vulgaris, serta penyakit Reumatoid seperti Arthritis Reumatoid. Penambahbaikan ini menzahirkan komitmen mySalam untuk memperkukuh perlindungan kesihatan di Malaysia dengan lebih penumpuan terhadap cabaran berkaitan penyakit kritikal yang semakin meningkat yang dihadapi oleh masyarakat.

Sejak ia dilancarkan pada tahun 2019, mySalam telah memainkan peranan penting dalam menyediakan perlindungan kewangan kepada rakyat Malaysia yang menghidap penyakit kritikal atau dimasukkan ke hospital. Skim ini menawarkan bantuan sekaligus sebanyak RM8,000 kepada individu yang didiagnosis dengan penyakit kritikal di mana ia membantu meringankan beban kewangan akibat pendapatan yang terganggu. Selain itu, penerima juga layak menerima manfaat elaun hospital harian sebanyak RM50 sehingga 14 hari setahun, dengan jumlah maksimum RM700 setahun.

“Dengan peluasan perlindungan mySalam kepada lebih banyak penyakit kritikal, ia membuktikan komitmen tinggi kami dalam menyediakan perlindungan kewangan kepada golongan rentan. Perlindungan Penyakit Jarang Jumpa yang diberikan ini juga memberikan akses rawatan yang lebih baik kepada mereka yang memerlukan. Matlamat kami adalah untuk sentiasa menambahbaik skim ini supaya ia kekal relevan dan efektif untuk melindungi rakyat Malaysia berdepan dengan krisis kesihatan. Kami kekal berdedikasi untuk membantu komuniti dalam menguruskan tuntutan serta membuat semakan. Sehingga kini, terdapat 143 kios mySalam di hospital-hospital kerajaan di seluruh negara untuk memberikan bantuan secara bersemuka.” kata En. Syuhaib Ithnin, Ketua Skim mySalam, Great Eastern Takaful.

Sehingga 31 Disember 2024, mySalam telah membuat pembayaran tuntutan berjumlah RM1.1 bilion dan membantu lebih 1.6 juta rakyat Malaysia. Dengan peluasan perlindungan ini, skim ini akan terus melaksanakan misinya untuk menyediakan akses lebih baik kepada

penjagaan kesihatan dan memperkukuhkan daya tahan kewangan dalam kalangan komuniti B40 di Malaysia.

Individu yang layak digalakkan untuk menyemak kelayakan dan mengemukakan tuntutan melalui [www.mysalam.com.my](http://www.mysalam.com.my).

**-TAMAT-**

### **MENGENAI mySALAM**

mySalam ialah skim perlindungan takaful PERCUMA yang disediakan oleh kerajaan kepada komuniti B40 di Malaysia. Skim ini adalah di bawah seliaan Kementerian Kewangan Malaysia dengan pembiayaan Tabung Amanah mySalam dan pengurusannya dikendalikan sepenuhnya oleh Great Eastern Takaful Berhad.

Skim Perlindungan Takaful mySalam telah diperkenalkan dengan pengoperasian selama lima tahun, bermula pada tahun 2019 sehingga 2023. Susulan maklum balas positif yang diterima, pihak kerajaan telah bersetuju untuk melanjutkan skim ini sehingga tahun 2025.

### **MENGENAI GREAT EASTERN TAKAFUL BERHAD**

Great Eastern Takaful Berhad adalah syarikat usaha sama antara i Great Capital Holdings Sdn Bhd (i-Great), anak syarikat Great Eastern Holdings Limited dan Koperasi Angkatan Tentera (M) Berhad. Sejak ditubuhkan pada tahun 2010, Great Eastern Takaful komited dalam menyediakan produk perlindungan takaful keluarga komprehensif yang memberi perlindungan kesihatan dan kewangan patuh syariah dalam usahanya untuk merapatkan jurang perlindungan di kalangan rakyat Malaysia, termasuk kumpulan berpendapatan rendah (B40). Menzahirkan pendekatan Takaful untuk Semua, operasi perniagaan GETB disokong oleh pelbagai saluran pengedaran, rakan perniagaan korporat dan perbankan untuk terus mengukuhkan kedudukannya dalam industri dan memenuhi keperluan perlindungan para pelanggan.

Melangkaui operasi perniagaan, Great Eastern Takaful juga giat menjalankan pelbagai inisiatif tanggungjawab sosial yang memfokuskan pendidikan (GET-Pintar), pembangunan komuniti (GET-Care) dan kelestarian alam sekitar (GET-Green) demi membantu masyarakat memperoleh kualiti hidup yang lebih baik.

Aspirasi Great Eastern Takaful untuk mencapai kejayaan bersama rakyat Malaysia adalah terbukti melalui pelbagai anugerah dan pengiktirafan tempatan dan antarabangsa. Antara pengiktirafan terkini adalah anugerah “Pengendali Takaful Terbaik Malaysia 2022” oleh Global Business Outlook Awards dan pada tahun 2023, Great Eastern Takaful diiktiraf sebagai “Most Valuable Brand – Takaful Solutions” oleh The BrandLaureate BestBrands Awards, “Penyedia Penyelesaian Takaful Terbaik” oleh Global Islamic Finance Awards (GIFA) serta pelbagai anugerah Takaful Star Awards oleh Persatuan Takaful Malaysia. Tahun 2024 menyaksikan Great Eastern Takaful diperakui sebagai “Majikan Terbaik” oleh Anugerah Majikan Terbaik Kincentric, dianugerahkan sebagai “Penyedia Penyelesaian Takaful Terbaik” oleh Global Islamic Finance Awards (GIFA), diiktiraf dengan “Anugerah Inisiatif – Upcycling” oleh ESGBusiness Awards di samping menerima beberapa anugerah lain daripada HR Excellence Awards 2024. Untuk maklumat lanjut, sila layari [www.greateastertakaful.com](http://www.greateastertakaful.com). Great Eastern Takaful merupakan ahli PIDM.

Pihak Kerajaan juga telah melantik Great Eastern Takaful sebagai pengurus skim mySalam, yang merupakan skim perlindungan kesihatan nasional yang dikawalselia oleh Bank Negara Malaysia.

**Untuk keterangan lanjut, sila hubungi:**

Mastura Abd Rahim

Penolong Naib Presiden – Penjenamaan & Komunikasi Korporat

Great Eastern Takaful Berhad

Tel: +6016 - 209 234

E-mel: [MasturaAbdRahim@greateastertakaful.com](mailto:MasturaAbdRahim@greateastertakaful.com)